



TAU: 12 WĀHANGA: 1 WHĀNAU:
10 o Paenga-whāwhā 2018

Me mihi ka tika ki tō tātou kīngi, ki te whare o Potatau, pai mārire ki a rātou.

Ka huri hoki ngā whakaaro ki a rātou kua ngaro atu i te tirohanga kanohi, ki te pāpā o Tirau rāua ko Kirika, te koro o Tame rātou ko Erin mā, haere atu rā, moe mai rā koutou.

Hoki mai anō ki a tātou ngā waihotanga ake o rātou mā, tēnā tātou katoa.

He mihi tēnei ki ngā kaiako, ngā tamariki, ngā whānau kua whakapeto ngoi ki ngā kaupapa huhua o te kura i tēnei wahanga:

- whakahaere tīma hākinakina (pā, poitūkohu, waka kōpapa, haupoī retireti)
- kohi pūtea/Mana Tōpū (pō taurima)
- whakaako tamariki
- tautoko/whakarite i ngā haerenga (kaukau, Rikata, Top Schools, PCT Challenge)
- mahi whakahaere o te Poari
- te aha, te aha

tēnā rawa atu koutou katoa!

Mahi Awhina i te Hāpori

E whakarite ana a Whaea Missy i tētehi wātaka mō ngā whānau e hiahia ana tautoko i ngā mahi hāpori ki Te Serve hei te Wāhanga 2. Mēnā

kāore anō kia tukuna kōrero ki a ia, kia kamakama koa.

missy@tmmkkm.school.nz

Te Waiarani Wharawhara

E rere atu ana tēnei o ngā manu pīwari ki Te Kura o Waharoa hei te wāhanga e tū mai nei. Koia kei a ia mō te ngākau mahaki, te reo whakamihi, te kānohi menemene! Me mihi ka tika ki tōna whānau kī ngā mātua a Whaiterangi rāua ko Gary mō ngā momo tautoko, mō te whakatō i ngā uara o kui mā, o koro mā ki roto i a kōrua nei tamariki, mokupuna. Mā te Wāhi Ngaro koutou katoa e manaaki, e poipoī, e atawhai.

Ngā Hararei

Ka mutu te kura mō ngā hararei i tēnei Rāmere 13 o Paenga whāwhā, 2:55 karaka. Karekau he Hōtaka Hararei hei ngā wiki e tū mai nei.

Tūnga Poari

E wātea ana ētehi tūnga i tō tātou nei Poari (BOT). Mehemea e ngākau nui ana koe ki ēnei momo mahi, whakamōhio mai koa ki a Laura, tumuaki@tmmkkm.school

Tirohia hoki te ataata nei mō ētehi whakamārama.

<http://www.trustee-election.co.nz/>

KIA MATAARA

AIMS Hui	11 o Paenga whāwhā - ki te kura	6:00 karaka
Ngā Hararei Kura	13 o Paenga Whāwhā - Ka mutu	2:55 karaka
Wāhanga Tuarua	30 o Paenga Whāwhā - Ka tīmata	8:55 karaka

TŌKU MĀPIHI MAUREA KURA KAUPAPA MĀORI

Haupoi Reti - 11/04/18

Ka tū te kēmu 4:12 karaka.

Haupoi Reti - Wāhanga 2

Mehemea e hiahia ana t/āu tamaiti/tamariki te tākarō haupoi reti a te wāhanga e haere mai ana whakakāi koa te pepa whakaae nei.

Ka tū hoki tētahi wā whakangungu hei te Rāapa e tū mai nei - 11/04/18 3:15-4:15 ki te kōti kei muri i te kura.

Ka tū ngā kēmu ia Rāapa (wiki 2 - wiki 9) kei waenga i ngā wā 3:45-8:15pm, <http://www.hamiltondevils.co.nz/school-league> \$40 mō ia wāhanga, ka tū ngā whakangungu i ia Rāapa 3:15-4:15 i ngā ahiahi kore ua.

Haupoi Reti - Wāhanga 2

E whakaae ana kia tākarō a

_____ i te haupoi reti i te wāhanga 2.

Tau: _____

E wātea ana ahau ki te whakahaere i tētahi tīma _____ Āe/ Kāo

Waitohu: _____

Mauri Tau - Wiki 10

Ngā mihi nunui ki ēnei tamariki, nā rātou te waimaria i tērā wiki:

Te Aroha/Te Puāwai

Nikau Puru

Te Piringa/Te Tūmanako

Shilah Taua

Te Whakapono/Te Rangimārie

Minaka Clarke

Te Atawhai

Te Tatau Strother

Tohu Reo

I riro mā ēnei tamariki ngā tohu whakanui mō te reo Māori i te wiki kua pahure ake nei:

- Karaitiana Kingi-Tutaki
- Teyana-Jaye Tuhakaraina-Clarke

Mauri Tau

Kua riro mā te akomanga o **TE ATAWHAI** te tiwhikete mō te akomanga kaha ki te hāpai i ngā uara o te kura Kua riro mā te akomanga o **TE PIRINGA/TE TŪMANAKO** te tiwhikete mō te tiaki i a Papatūānuku. Ka wani kē!!!

Ngā Pōraka Kura

Kua tae mai ngā pōraka kura. ☺

Mehemea ko koe tērā kua tonoa mai kia kaha koa te utu i ngā utu kia riro ki tō whānau ko ngā pōraka nei. Ki te kore te utu e tae mai ki te tari i mua i te mutunga o te wāhanga nei ka hokona atu.

Kutu, kutu, kutu!!

Kua rongo kōrero kei waenganui i tō tātou hāpori ēnei mea hōhā! Tēnā tirohia ngā pane, horoia, tangohia ngā rīha, ngā hekī kia mā katoa te mahunga.

Pūtea Waka

Aroha mai e te whānau kua tīnīhia e te Tāhuhu ko ngā whakaritenga mō te pūtea nei nō reira hei tērā wāhanga ka mōhio ko wai ngā whānau e āhei ana te tono mai.

Entertainment Book 2018

He kaupapa kōhi pūtea tēnei mō tō tātou nei kura. Tēnā, he inoi kia akiaki mai ngā whānau whānui ki te hoko mai i tētehi pukapuka, i te pūmanawa tautono (app) rānei.



TŌKU MĀPIHI MAUREA KURA KAUPAPA MĀORI

<https://www.entertainmentbook.co.nz/orderbooks/928j801>



Poitarawhiti 2018

Hei te wāhanga tuarua ka tīmata ngā whakataetae poitarawhiti ki Minogue. Nō reira mēna e hiahia ana tāu tamaiti ki te tākaro i tēnei tau, whakakī te wāhanga i raro iho nei, whakahokia mai ki te tari i mua i te mutunga o te wiki nei.

He whakaharatau i tēnei Rāpare 12 o Paenga whāwhā, 3-5 karaka, mō te tīma Tau 7/8.

Poitarawhiti 2018

E whakaae ana kia tākaro a _____ i te poitarawhiti i tēnei tau 2018.

Porowhitangia te tīma o tāu tamaiti;
Tau 5/6 Tau 3/4 Tau 7/8

E wātea ana ahau ki te whakahaere i tētahi tīma poitarawhiti _____ Ae/ Kao

Ko tēhea tīma poitarawhiti? Tau 3/4 Tau 5/6
Tau 7/8

Waitohu: _____

Kākahu

Kua kī te ipu kākahu i ngā kākahu kua waihotia e ngā tamariki ki te kura. Haere mai ki te tiro. Hei te mutunga o te wiki nei ka tuku ki ngā ipu kākahu mō te rawa kore.

Project Energize

MOOHANI

E tata ana te kaupeka feijoa – whakamaatauria teenei moohani feijoa hei parakuihi paarekareka. E taea pea he tokorua, tokotoru raanei ki teenei.

Konatua:

- 1 panana – kua tiihoretia, kua tapatapahia anoo hoki
- 4 feijoas – kua tiihoretia, kua tapatapahia anoo hoki
- He kapunga ringa o ngaa rau kookihi
- He paraka tio
- 1 kapu miraka tepe
- ½ kapu, miraka hinu iti

Developed by Sport Waikato 2017

Kapa Haka

Hei te wāhanga nei ka tīmata ngā mahi haka. Kia rua ngā noho, hei te wiki tuatahi o te wāhanga 2 ka whakamōhio atu ko ngā whakaritenga.

Ngā Utu ā Kura

Nama o te Whare Pūtea:
TKKM o Tōku Māpihi Maurea
12-3249-0024036-00

Te Utu	Ko te wā hei utu
\$30.00 (Kotahi te tamaiti)	Ia wāhanga
\$45.00 (tokorua ngā tamariki)	Ia wāhanga
\$60.00 (maha ake i te tokorua)	Ia wāhanga



TŌKU MĀPIHI MAUREA KURA KAUPAPA MĀORI

Top Schools

He mihi tēnei ki ngā tamariki, ngā whānau i tautoko mai i tēnei kaupapa i te Rātapu. He rangi ātaahua, he rangi whakawhanaunga, he rangi mokopuna!!

I tae tuaono a Tōku Māpihi Maurea KKM!!



Whakaaro mō te wiki

"Waiho i te toipoto, kaua i te toiroa."

Kia kaha tātou ki te tautoko i a tātou anō.

Nāku noa

Laura



CASUAL VACANCY (BOT)

Tōku Māpihi Maurea Kura Kaupapa Māori

Board of Trustees

Casual Vacancy for an elected trustee

A casual vacancy has occurred on the board of trustees for an elected parent representative.

The board has resolved under section 105 of the Education Act 1989 to fill the vacancy by selection.

If ten percent or more of eligible voters on the school roll ask the board, within 28 days of this notice being published, to hold a by-election to fill the vacancy, then a by-election will be held.

Any eligible voter who wishes to ask the board to hold a by-election should write to:

Chairperson

Board of Trustees

Tōku Māpihi Maurea Kura Kaupapa Māori

PO Box 23017

Dalesford

HAMILTON 3216

by: 13 May 2018

